


I
CERTAME
DE DEBUXO E
POESÍA
AVELINO DÍAZ

Tomás



Os **CONCELLOS DE MEIRA E RIOTORTO**, en colaboración coa **ASOCIACIÓN CULTURAL AVELINO DÍAZ**, convocan o **I CERTAME DE DEBUXO E POESÍA AVELINO DÍAZ**, co fin de honrar o Poeta de Meira, de dar a coñecer a poesía de Avelino e de fomentar a creatividade e o gusto pola poesía.

B A S E S

PRIMEIRA: Poderán participar todos os autores e autoras que o desexen cunha única obra.

SEGUNDA: Establécense as seguintes categorías:

- A)** - 3 a 8 anos
- B)** - 9 a 12 anos
- C)** - 13 a 17 anos
- D)** - de 18 anos en adiante

TERCEIRA: Na categoría **A** só se poderá participar na modalidade de debuxo e nas categorías **B, C e D**, só na modalidade de poesía.

CUARTA: Os debuxos serán de formato e temática libre.

QUINTA: Os poemas presentaranse escritos en lingua galega. Terán una extensión mínima de dúas estrofas ou oito versos e máxima de doce estrofas ou cincuenta versos. Presentaranse escritos a ordenador, a dobre espazo, por una soa cara; tamaño de letra 12, tipo "Arial".
Poderán estar ilustrados con debuxos.
Deberán ser orixinais, inéditos e non premiados en ningún outro concurso ou certame literario. Serán de temática e métrica libre.

SEXTA: O prazo de entrega remata o 16 de marzo do 2017.

Enviaranse por triplicado, sen firma e en sobre pechado. No exterior do mesmo constará un lema e a categoría á que se presenta. En sobre á parte, tamén pechado, constará o lema que identifique o traballo e a categoría e, no seu interior, os datos do autor/a: nome, apelidos, idade, enderezo electrónico, teléfono, así como o seu enderezo postal completo. Só se abrirán os sobres dos traballos premiados. O envío remitirase á **ASOCIACIÓN CULTURAL AVELINO DÍAZ. CENTRO SOCIO- CULTURAL. Rúa Federico González, s/n. 27240 Meira (Lugo)**. Conforme o disposto na Lei Orgánica 15/1999 de 13 de decembro de protección de datos de carácter persoal, os datos serán tratados de forma confidencial.

SÉTIMA: Establécense tres premios por cada categoría de participación:

Categoría A

Primeiro premio: Diploma, figura conmemorativa e lote de libros.

Segundo premio: Diploma e lote de material escolar.

Terceiro premio: Diploma.

Categoría B

Primeiro premio: Diploma, figura conmemorativa e libro electrónico.

Segundo premio: Diploma e lote de material escolar.

Terceiro premio: Diploma.

Categoría C

Primeiro premio: Diploma, figura conmemorativa e tableta.

Segundo premio: Diploma e lote de material escolar.

Terceiro premio: Diploma.

Categoría D

Primeiro premio: Diploma, figura conmemorativa e tableta.

Segundo premio: Diploma e lote de libros.

Terceiro premio: Diploma.

Poderanse conceder accésits.

Os/As autores/as premiados/as convocaranse ao acto de entrega de premios, o día que fixe o Xurado, na Casa da Cultura de Meira, sede da Asociación.

OITAVA: O Xurado será designado polas institucións que convocan o certame. Actuará de secretario/a un directivo da Asociación Cultural *Avelino Díaz*, con voz pero sen voto. O Xurado emitirá o seu fallo o día 21 de marzo de 2017, proclamado pola UNESCO en 1999, Día Mundial da Poesía.

O fallo comunicaráselles directamente aos interesados e interesadas, e publicarase na páxina web (www.avelinodiaz.gal) e nos perfís de Twitter e Facebook da Asociación.

O Xurado pode declarar desertos algúns dos premios, así como rexeitar os traballos que non se axusten ás presentes bases.

NOVENA: As obras premiadas neste Certame quedarán en propiedade das institucións convocantes, reservándose estas, en exclusiva, o dereito a editar as obras premiadas e tamén os accésits, se os houber.

As obras non premiadas non serán devoltas, podendo os interesados recollelas na sede da Asociación no prazo dun mes despois da proclamación das persoas premiadas. De non ser así, serán destruídas.

DÉCIMA: A participación neste Certame implica a aceptación das presentes bases na súa totalidade.

UNDÉCIMA: As institucións convocantes son competentes para resolver todas as cuestións que poidan xurdir de cara á interpretación das presentes bases.

CONVOCAN



Concello
de Meira



Concello
de Riotorto

COLABORA

Arélio Dias
ASOCIACIÓN CULTURAL